

Ngā Rohe Pōti Māori

Kia kōrero tātau mō ngā rohe pōti Māori!

Kua puta ngā panonitanga a te Kāwanatanga kia riro mā ngā kaunihera ā-rohe anō e whakataua mēnā rānei ka whai rohe pōti Māori tōna tāone, tōna rohe rānei. E kōrerorero tahi ana mātau ki tō mātau hapori i mua i tā mātau whakataua i tēnei take.

E rima tau ki muri te rongotanga ōkawa whakamutunga i te hapori mō ngā rohe pōti Māori ki Ahuriri. He mea nui kia rangona ngā whakaaro o te hapori katoa ināianei, i mua i tā mātau whakataua i tēnei take ka pā nui mai nei ki a tātau.

E kōrerorero tahi ana mātau ināianei ki tō mātau hapori me te whakapakari i te mōhio ki te pānga o ngā rohe pōti Māori ki Ahuriri, e tau pai ai te iwi ki te tuku i ō rātau whakaaro i mua i te whakataua. Ka tuwhera ngā tono hei ā Hepetema, ā, he huarahi tēnā e ahei ai te tukua o ngā whakaaro e te katoa.

He aha rā ngā rohe pōti?

Ko ngā rohe pōti whānui ngā wāhanga o tētahi tāone, rohe rānei, ka tohua mō ngā take pōtitanga. E rua, e rua me ngā tūru i tētahi pōtihanga whānui. I Ahuriri, he pūnaha rohe pōti tō mātau e tū ai ngā kaitono i tētahi rohe pōti, me te aha, ka pōtihia rātau e te hunga noho ki taua wāhi. Ko ō mātau rohe pōti e whā ko: Ahuriri, ko Onekawa-Tamatea, ko Nelson Park me Taradale. Ka āhei noa iho te iwi te pōti i ngā kaitono o tō rātau rohe pōti, engari ko te katoa ka āhei te pōti i te Koromatua. Ahakoa ngā kaikaunihera ka tū i tō rātau rohe pōti, ka oati rātau kia mahi i ngā mahi mā te tāone whānui.

Ka pēhea ngā rohe pōti Māori?

Ka noho tahi ngā rohe pōti Māori ki ngā rohe pōti whānui i tētahi tāone, rohe rānei. Nā konā i taea nei te tautapahia o tētahi māngai ki te kaunihera ā-rohe e te hunga kei te rārangi pōti Māori. He āhua ōrite nei ngā rohe pōti Māori ki ngā tūru Māori ki te Pāremata.

Ko te whāinga o ngā rohe pōti Māori he whakaū i te wāhi ki ngā māngai Māori i roto i ngā rangatōpū ā-rohe.

Ka hia ngā rohe pōti Māori ki a tātau?

He mea whakataua te nui o ngā rohe pōti Māori i tētahi tāone, rohe rānei e tētahi ture tātai i te Ture Pōti ā-Rohe e ai ki te ōwehenga o te porihanga pōti Māori ki te tōpūtanga o te porihanga pōti. Ki te whakaae a Ahuriri kia whai wāhi mai ngā rohe pōti Māori, te āhua nei ka rua ngā mema rohe pōti Māori i te kaunihera, e ai ki tēnei ture tātai.

Hei āhea whakaūngia ai te panonitanga?

Ki te whakataua mātau kia whai wāhi mai ngā rohe pōti Māori, ka whai wāhi tēnei ki te Arotakenga ā-Māngai ā te 2024, ā, ka whai mana ai i te Pōtitanga ā-Rohe o te tau 2025.

**kōrero
mai!**

sayitnapier.nz

Kia hui tātau, kia kōrero tātau

E rikarika ana mātau ki te hui atu ki tō rōpū, ki tō wāhimahi rānei hei tuku i ngā whakamārama mō ngā rohe pōti Māori me te pānga ki Ahuriri. Kia tāpuia he hui ki tō mātau tīma, haere ki sayitnapier.nz, waea mai rānei ki **06 835 7579**.



NAPIER
CITY COUNCIL
Te Kaunihera o Ahuriri

Ko wai mā e āhei ana te pōti ki ngā rohe pōti Māori?

- Ko te hunga kua whakaurua ki te rārangi pōti Māori i te rohe ka āhei te pōti i ngā kaitono e tū nā ki ō rātau rohe pōti Māori.
- Ko te hunga kei te rārangi pōti Māori, ka āhei anake te pōti i ngā kaitono kei ngā rohe pōti Māori.
- Ko te hunga kei te rārangi pōti whānui, ka āhei anake te pōti i ngā kaitono kei ngā
- Ka taea e te iwi te peke atu ki te rārangi pōti Māori ā te Kōwhiringa Pōti Māori hei ā 2024. I mua tonu i ngā pōtitanga ā-rohe o 2025.

Ngā whakapāpātanga a te Kaunihera ki te Māori i tēnei wā.

He huarahi pea ngā rohe pōti Māori ki te whakapiki i tā te Māori whai wāhi ki ngā whakatau, heoi anō e mārāma ana te Kaunihera ehara i te mea

koinei anake te huarahi e taea ai tēnei. Nā konā e tino whakaaro ana te Kaunihera ki ētahi atu panonitanga, tae ana ki tana hanganga ā-roto me ana whakarātanga i te rohe, otirā ki ngā panonitanga ki te Rārangi Kupu a te Komiti Māori.

Te tū ki tētahi rohe pōti Māori

E āhei ai te tū ki te pōtitanga, ko te kaitono:

- Me kirirarau o Aotearoa rawa (i runga i tōna whānautanga mai, i tāna hui whakanui kirirarautanga rānei)
- Kua whakaurua hei kaitautapa ā-Pāremata (ahakoa ki hea i Aotearoa); ā,
- Kua tautapangia e ngā kaitautapa e rua ko ō rāua nā ingoa ka kitea i te rārangi pōti i taua rohe e tū ai te kaitono. Ko ngā kaitono kei ngā rohe pōti Māori, ehara i te mea me whakapapa Māori rawa, engari me whai wāhi atu ia ki te rārangi pōti ā-pāremata.

Tō mātau rārangi wā

Ā MOHOA NEI

Kei te pīrangi mātau kia kōrero ki a koe mō ngā rohe pōti Māori me tōna pānga ki te tāone o Ahuriri.

AKUHATA - HEPETEMA

Tukua ō whakaaro mō ngā rohe pōti Māori - ka pōhiritia koe e mātau kia tukua mai he tono ki sayitnapier.nz

OKETOPA/NŌEMA

Ka rongo i ngā tono. Ka whakatau te Kaunihera ā-Rohe o Ahuriri mēnā rānei ka whai i ngā rohe pōti Māori.

Te Porihanga Māori o Ahuriri



Ahunga kōrero: tpk.govt.nz

**kōrero
mai!**

sayitnapier.nz

Kia hui tātau, kia kōrero tātau

E rikarika ana mātau ki te hui atu ki tō rōpū, ki tō wāhimahi rānei hei tuku i ngā whakamārama mō ngā rohe pōti Māori me te pānga ki Ahuriri. Kia tāpuia he hui ki tō mātau tīma, haere ki sayitnapier.nz, waea mai rānei ki **06 835 7579**.



NAPIER
CITY COUNCIL
Te Kaunihera o Ahuriri